



F-128
1913

საემუხროლო ჟურნალი

მოსავალი

წელიწადი
მესამე

წელიწადი
მესამე

№ 21 ზ 24.

დეკემბერი

1913 წ.

შინაარსი

- რედაქციისაგან 3
- დ. ლაშვაშიძე . . . შეტრე საკრთაშორისო საკოფრეატიო კონკრესი 4
- ვ. რუსიშვილი . . . ზარისის რედაქციის კონკრესი 10

გამოსადები ცნობანი:

1. ახალი უმაღლესი სამეურნეო სასწავლებლები—2. ბესარაბიის აგრონომიული ინსტიტუტი,—3. საოჯახო სამეურნეო სასწავლებელი ქალთათვის,—4. აგრონომიული მატარებელი,—5. ინგლისიდან გამომწერილი საქონლის ბუღები და ქედლები,—6. კოოპერატიული სოფელი,—7. სამელიორაციო სესხი,—8. ადგილობრივი ჯიშის საქონლის მნიშვნელობა,—9. სანოვავეთა ლაბორატორია 12

ჟურნალი წელიწადში ღირს—3 მანეთი.

მისამართი: თიფლის, ვარიატინსკაია, 5.

გ.ბ.ი-7
1212

სამეურნეო ქურხალი მოსავალი

იბეჭდება ორ კვირაში ერთხელ

თანამშრომელთა საყუარდღებოდ.

დასაბეჭდად მიღებული წერილები შეიძლება რედაქციამ შეასწოროს და შეამოკლოს წერილები და კორესპონდენციები, რომელნიც არ დაიბეჭდებიან, არც შეინახებიან დასაბრუნებლად.

რედაქცია მზად არის აღმოუჩინოს „მოსავალი“-ს მკითხველებს ყოველ გვარი შუამავლობა სამეურნეო იარაღებისა და მაშინების და აგრეთვე ყველა სამეურნეო ნაწარმოების შექმნა-გასაღებაში.

განცხადებები დაიბეჭდება მხოლოდ უკანასკნელ გვერდზე. ჩვეულებრივი სტრიქონი ვენური ან აკადემიური ასოთი) განცხადებისა ღირს **სამი შაური**.

წლიური აბონემენტებისათვის განცხადების ფასი რედაქციასთან შეთანხმებით.

განცხადების ფასი წინდაწინვე უნდა იყოს წარმოდგენილი.

F-5390

რედაქციისაგან

ხუთი წელიწადია, რაც ჟურნალი „მოსავალი“ იბეჭდება. აქამდე იგი კერძო გამოცემა იყო, 1914 წლიდან კი ქართულ სამეურნეო საზოგადოების ორგანოდ ხდება. ამ ცვლილებას მოჰყვება ჟურნალის შინაარსის გამოცვლა. აქამდე ჟურნალი „მოსავალი“ იყო, ასე რო ვსთქვათ, მხოლოდ კრებული სამეურნეო წერილებისა, რომელნიც უმეტეს შემთხვევაში, შეიცავდნენ მეურნეობაში გამოსაყენებელ თეორიულსა და პრაქტიკულს სწავლადარიგებას. რაც ამ ხუთი წლის განმავლობაში დაბეჭდილა ჟურნალ „მოსავალ“-ში, მას დღესაც და მომავალშიაც (ახლო მომავალში მაინც) ისეთივე მნიშვნელობა აქვს და ექნება ჩვენს მეურნესათვის, როგორც მნიშვნელობაც ჰქონდა მაშინ, როცა იბეჭდებოდა.

ამას იქით კი ამ მხრივ ჟურნალი ცოტათი შეიცვლება. როგორადაც ორგანო საზოგადოებისა, იგი პირველ ყოვლისა იქნება ქართ. სამ. საზოგადოების მოქმედების გამომხატველი. გარდა იმისა რომ ჟურნალი მიაწვდის თავის მკითხველს სწავლადარიგებას მეურნეობის ყოველ დარგში, იგი დარაჯად დაუდგება ყოველ საკითხს ჩვენის ეკონომიური ცხოვრებით გამოწვეულს და ეცდება მის წესიერად განმარტებას და გადაწყვეტას.

რა მნიშვნელობა ჰქონდა ან რა სარგებლობა მოიტანა ჟურნალის არსებობამ ამ ხუთი წლის განმავლობაში, დეტალურს იმან, ვინც ამ სარგებლობას თავის საკუთარ მეურნეობაში დაინა-

ხავს ან უკვე ხედავს. მომავალი კიდევ თავისას იტყვის. ჩვენ აღვნიშნავთ მხოლოდ რომ ჟურნალ „მოსავალი“-ს არსებობა თვით დრომ მოიტანა და არა მოულოდნელად დაბადებულმა ინიციატივამ: 29 იანვარს 1909 წელს გამოვიდა სომხური სამეურნეო ჟურნალი „გიუხატეხი“, 14 მაისს იმავე წელს ჟურნალი „მოსავალი“.

ამ ორივე ჟურნალის არსებობიდან დაისკვნა აზრი სომხური და ქართული სამეურნეო საზოგადოებათა დაარსებისა. პირველი მათგანი დაარსდა 28 მაისს 1909 წელს, ხოლო მეორე—22 დეკემბერს 1910 წ.

თუ ოდესმე ეს სამეურნეო გამოცემანი და მათ მომდევნო სომხური და ქართული სამეურნეო საზოგადოებანი დაიმსახურებენ საპატიო ადგილს ჩვენს ცხოვრებაში და ღირსნი გახდებიან პირუთვნელ ისტორიისა, მათ წარმოშობის დასაწყის ნიშნებს ადვილად იპოვის ისტორიკოსი საიმპერატორო კავკ. სამეურნეო საზოგადოების მოქმედებაშიაც.

უფრო საყურადღებოდ მიგვაჩნია სადღეისოდ ის გარემოება, რომ, მიუხედავად უხვი თანაგრძნობისა ჟურნალ „მოსავლისადმი“ როგორც ავდილობრივ პრესაში ისე შორეულშიაც და თვით მკითხველთა შორისაც, ჟურნალი ამ ხუთის წლის განმავლობაში დიდ შევიწროებას განიცდიდა მატერიალურად. ადვილი წარმოსადგენიცაა ეს, თუ მივიღებთ მხედველობაში, რომ თვით რუსეთში აქნობამდე ვერც ერთი სა-



მეურნეო პერიოდული გამოცემა ვერ ახერხებს თავის არსებობას გარეშედ დაუხმარებლივ და ჟურნალ „მოსავალს“ კი არავითარი დახმარება არსაიდან არც უთხოვია და არც მიუღია გარდა 300 მანეთისა, რომელიც ტფილისის თავად-აზნაურობამ მისცა ჟურნალს 1910 წლის დამლევს, 81 მან. 51 კ., რომელიც სამეურნეო ბანკი-

დამ მიიღო ჟურნალმა 1911 წელს და ბ-ნ შიუკაშილისაგან ეხლახან შემოწირულ 5 მანეთისა, რისთვისაც ჟურნალი გულითად მადლობას უცხადებს შემომწირველთ.

გუსურვებთ ჟურნალ „მოსავალს“ რომ შემდეგ მაინც გაუღიმოს ბედმა და დაუმყარდეს ქონებრივი უზრუნველყოფა.

მეცხრე საერთაშორისო საკოოპერაციო კონგრესი

მეცხრე საერთაშორისო საკოოპერაციო კონგრესი გაიხსნა ქალაქ გლაზგოვში, შოტლანდიაში, ამა წლის 25 აგვისტოს და დამთავრდა 28 აგვისტოს. სულ დაესწრო ამ კონგრესს 600 დელეგატი ყველა ქვეყნებიდან, რომლებიც წარმოადგენდნენ 2.000.000 კოოპერატორებს.

340 დელეგატი იყო ბრიტანიის, 100—გერმანიიდან, 100—საფრანგეთიდან, ბელგიიდან და შვეიცარიიდან, 50—ავსტრო-უნგრეთიდან და დანარჩენი სხვა ქვეყნებიდან.

რუსეთიდან იყო გამოგზავნილი 2 დელეგატი, უკრაინიდან—1 და საქართველოდან—1. მიუხედავად იმისა, რომ რუსეთში კოოპერატიული მოძრაობა ჩვენი ქვეყნისაზე უფრო განვითარებულია, დაუდევრობის გამო, ორ დელეგანტზე მეტი ვერ გამოგზავნეს.

კრება გახსნა საერთაშორისო საკოოპერაციო კავშირის თავჯდომარემ ბ. მაქსუელმა. მოკლე, მაგრამ მგრძნობიარე სიტყვით მან დახასიათა საკოოპერაციო მოძრაობა მთელ დედა-მიწის ზურგზე, შემდეგ კონგრესს მიმართეს სიტყვით ქალაქ გლაზგოვის თვითმართველობის წარმომადგენლებმა.

გრაფმა ბრემ, ყოფილმა კანადის გენერალ-ლუბერნატორმა და საერთაშორისო კავშირის საპატიო თავჯდომარემ ისტორიულად მიმოიხილა საკოოპერაციო მოძრაობის განვითარება უკანასკნელ 30 წლის განმავლობაში. მან სიხარულით აღნიშნა ბრიტანიის წინამძღოლობა საერთაშორისო საკოოპერაციო მოძრაობის შეერთებაში.

შემდეგ საერთაშორისო კომიტეტის თავჯდომარემ ვილიამსმა წაიკითხა მოხსენება საკოოპერაციო მოძრაობის განვითარების შესახებ 1910 წლიდან, ე. ი. მერვე კონგრესის შემდეგ, ჰამბურგში. ამ ხნის განმავლობაში ბევრი ახალი კოოპერატიული საზოგადოებანი შემოუერთდნენ საერთაშორისო კავშირს. ქვემოლ მოყვანილი ცხრილი გვიჩვენებს, თუ როგორ მოხდა კავშირის გაძლიერება. კავშირის წევრებად ითვლებიან:

1. ავსტრიიდან: მომხმარებელ საზოგადოებათა ცენტრალური კავშირი, რომელიც შესდგება 504 ამხანაგობიდან.
2. ბელგიიდან: ცენტრალური კოოპერატიული კავშირი 102 ამხანაგობით.



- 3. ჩეხიიდან: ცენტრალური კავშირი 265 ამხანაგობით.
- 4. ფინლიანდიიდან: ცენტრალური კავშირი 168 ამხანაგობით.
- 5. საფრანგეთიდან: ნაციონალური ფედერაცია მომხმარებელ კოოპერატივთა 640 ამხანაგობით.
- 6. გერმანიიდან: მომხმარებელ ამხანაგობათა ცენტრალური კავშირი 1168 ამხანაგობით.
- 7. ჰოლანდიიდან: 144 ამხანაგობა.
- 8. შვეიცარიიდან მომხმარებელ ამხანაგობათა კავშირი 369 ამხანაგობით.

როგორც სჩანს, ზემო აღნიშნულ ქვეყნებიდან საერთაშორისო საკოოპერაციო კავშირის წევრებად ყოფილან ცენტრალური კავშირები და არა ცალ-ცალკე ამხანაგობანი.

ამას გარდა, ცალ-ცალკე ამხანაგობათა რიცხვმაც იმატა უკანასკნელი სამი წლის განმავლობაში: 815-დან 3871-მდე. წევრთა რიცხვის მომატებას თან მოჰყვა საწევრო გადასახადთა მომატება და ამრიგად საერთაშორისო კავშირის ქონებრივი მომაგრება.

მაგ. საერთაშორისო კავშირის შემოსავალი უდრიდა:

1910 წ. 1911 წ. 1912 წ.
26.000 მან. 28.000 მან. 27.000 მან.

ბ. ვილიამსის მოხსენება კონგრესზე ერთხმად მიიღო. შემდეგ მან განიხილა ცენტრალური კომიტეტის წინადადება საწევრო გადასახადის შესახებ და შემდეგი დაადგინა:

თითო კოოპერატიული ამხანაგობა საწევრო გადასახადად იხდის 3 მან.—თუ მის წევრთა რიცხვი 500-ზე ნაკლებია: 6 მან.—თუ წევრთა რიცხვი 3000-მდეა.

და 12 მან.—თუ ათი ათასამდეა. 20 მან.—თუ ათი ათასს აღემატება.

იმ შემთხვევაში კი, როდესაც საკოოპერაციო საზოგადოებას აქვს განსაკუთრებული სამოქმედო რაიონი და ან ეროვნული ხასიათი და ამრიგად ცალკე კავშირს შეადგენს, საწევროს იხდის 50 მან.—თუ მისი საერთო წევრთა რიცხვი ათი ათასს არ აღემატება და ან შემადგენელ ამხანაგობათა რიცხვი სამასზე მეტი არ არის. თუ წევრთა ან ამხანაგობათა რიცხვი ამაზე მეტია, მაშინ 100 მან.—იხდის.

ამ ახლად მიღებულმა დადგენილებამ შესამჩნევად შეამცირა საწევრო გადასახადი და გაადვილა საერთაშორისო კავშირში შესვლა.

ამით დასრულდა პირველი სხდომა 1 საათზე და ნასადილევს სპეციალურად მომზადებულ ტრამვაებით გავემგზავრეთ გლაზგოვის ახლო მდებარე ქალაქს შილდჰოლში, სადაც შოტლანდიის საკოოპერაციო კავშირის ქარხნებია. ქარხანათა გამგე კომიტეტის თავჯდომარემ მოგვმართა მოკლე სიტყვით და აგვიწერა ქარხანათა 50 წლის ისტორია. შემდეგ დაგვყვეს ჯგუფებად და ქარხნები გაგვაცნეს: ფენსაცმელების, ტანისამოსის, საპნის, ყავის, ქიმიური, სართავი, პურის საცხობი და წისქვილები. ყველა ქარხნებში 8 საათის სამუშაო დღეა დადგენილი და მუშები, ქალი და კაცი, ძლიერ ჯანმრთელად და მხიარულად გამოიყურებიან, რაიც იმის მაჩვენებელია, რომ ისინი კარგს პირობებში მუშაობენ.

ქარხანათა დათვალიერების შემდეგ თვითოეულ დელეგატს საჩუგრად მისცეს დიდი ყუთი საკოოპერაციო ნა-

წარმოებთა ნიმუშებით, რის შემდეგაც თავიანთ ბინებზე დავბრუნდით.

* * *

24 აგვისტოს სხდომა. ცენტრალური კომიტეტის წევრმა მ. გეთჰარდმა წაითხა მოხსენება **საერთაშორისო მშვიდობიანობის** შესახებ. იგი ვრცლად შეეხო ბალკანეთის ომს და მის მიერ გამოწვეულ ევროპის დიდ სახელმწიფოთა შორის საომარ მზადებას. გამოსთქვა ის აზრი, რომ კოოპერატორები ყველა ქვეყნებში უნდა სცდილობდნენ მშვიდობიანობისა და თანასწორობის დამყარებას. შემდეგ ილაპარაკა კონგრესის თავჯდომარემ ბ. მაქსუელმა და გერმანიის და საფრანგეთის დელეგატებმა, რის შემდეგაც კონგრესმა ერთხმად მიიღო შემდეგი რეზოლიუცია:

„კონგრესი სრულად ეთანხმება საერთაშორისო კავშირის ცენტრალურ კომიტეტის მიერ მიღებულს ზომებს. მას სწამს, რომ საერთაშორისო მშვიდობიანობის დაცვა ერთად ერთი საშუალებაა საკოოპერაციო მოძრაობის განვითარებისა და მის მიზანთა განხორციელებისათვის. კონგრესი აღნიშნავს მთელ განათლებულ კაცობრიობის წინაშე, რომ დღევანდელი არა-ნორმალური ხარჯები, რომლებსაც დიდი სახელმწიფონი ეწევიან შეიარაღებისათვის, მოისპობიან, ვინაიდან ყველა ქვეყნებში საკოოპერაციო მოძრაობა ფეხს იდგამს და ამნაირად ნიადაგს აცლის გაბატონებულ კლასებს. კონგრესი მოუწოდებს ყველა ერებს რათა იგინი შეუერთდნენ საკოოპერაციო მოძრა-

ობას და სიამოვნებით მიეგებება კოოპერატორთა მიერ ომის წინააღმდეგ მიღებულ ზომებს. ეგრედვე იგი სიამოვნებით ეგებება მუშების სხვა და სხვა ორგანიზაციათა მიერ ამავე მიზნით მოხდენილ დემონსტრაციებს“.

მეორე მოხსენება შეეხებოდა ფრიად მნიშვნელოვან საკითხს, სახელდობრ: **საერთაშორისო კოოპერატიულ მომხმარებელ და სამეურნეო ამხანაგობათა შორის ვაჭრობას**. მომხსენებელი იყო გერმანიის მომხმარებელ საზოგადოებათა კავშირის თავჯდომარე ბ. კაუფმანი.

უკვე ხუთი წელიწადია, რაც ეს საკითხი დაისვა საერთაშორისო კავშირის მიერ. მიუხედავად იმისა, რომ საკოოპერაციო მოძრაობა ბევრს ქვეყნებში ძლიერ განვითარებულია, ყველა მათგანი ჯერ-ჯერობით ადგილობრივ მუშაობს და თავის ქვეყნის ფარგლებს იშვიათად სცილდება. მაგ. იმ დროს, როდესაც ინგლისის და შოტლანდიის კოოპერატორებთა ვაჭრობა წლიურად ხუთას მილიონს მანეთს უდრის, მათ მიერ გაზხავნილ საქონლის ფასი საზღვარ გარედ მხოლოდ 280.000 მანეთია. მეორე მხრივ, გერმანიის, იტალიის და შვეიცარიის სამეურნეო ამხანაგობანი თავის საქონელს საერთოდ კერძო ვაჭრებზე ასაღებენ, რაიც ძლიერ ხელს უშლის საერთაშორისო კოოპერატივების კერძო კაპიტალისაგან განთავისუფლებას. რომ ამ მოვლენას ბოლო მოეღოს საერთაშორისო კავშირთან არსელობობს კომისია, რომლის მიზანია საკოოპერაციო საერთაშორისო აღებ-მიცემის ხელი შეუწყოს.

ამ კონგრესზე განზრახული იყო გამოფენის გამართვა, მაგრამ რადგან

უცხოეთის კოოპერატივებმა დიდი სი-
ზანტე გამოიჩინეს, იგი ვეღარ მო-
ხერხდა.

ბ. კაუფმანმაც ვერ გაამართლა დე-
ლეგატების მოლოდინი და რეზოლიუ-
ციაც კი არ გამოუტანია კონგრესს ამ
საკითხის შესახებ. ამისი მიზეზი შემ-
დეგია:

რთმ საერთაშორისო საკოო-
პერაციო ვაჭრობას მტკიცე სა-
ფუძველი მიეცეს, საჭიროა დი-
დი ფინანსური და ორგანიზა-
ციული მსხვერპლი, რომლის გა-
წევაც ერთბაშად არ შეიძლება,
არამედ თან-და-თან უნდა მომზა-
დდეს ამისათვის ნიადაგი.

კონგრესმა საჭიროდ დაინახა, რომ
ყველა ქვეყნებში ამ საკითხის გარკვე-
ვას დაუყონებლივ შეუდგნენ, რომ შემ-
დეგი კონგრესისათვის შესაძლებელი
გახდეს პრაქტიკული ზომების მიღება.
სხდომა გათავდა პირველ საათზე და
ნასადილევს მებურეთა კოოპერაციის
ორკესტრის თანახლებით სპეციალუ-
რად დელეგატთათვის დამზადებულ
მატარებლით გავემგზავრენით ქალაქ
ედინბურგში, რომელიც გლაზგოვს
60 ვერსის მანძილით შორდება და
შოტლანდიის ძველი სატახტო ქალა-
ქია. ერთი საათის შემდეგ უკვე ამ
ქალაქში ვიყავით. სადგურზე გვიცდი-
და ოც-და-ათი ომნიბუსი, ჩვენთვის
სპეციალურად მომზადებული, რომ-
ლებითაც დაგვატარეს მთელი ქალაქი.
შემდეგ ქალაქის თეატრში ადგილობ-
რივი კოოპერაციული საზოგადოება
გაგვიმასპინძლდა სადილით, რომლის
დროსაც უკრავდა მუშათა ორკესტრი.
მოსახსენებელია ამასთანავე, რომ ამ
თეატრის დარბაზში წარსულ საუკუ-
ნის ცნობილმა შოტლანდიის მწერალმა

ჟულტერ-სკოტმა პირველად წაუკითხა
საზოგადოებას თვისი პირველი ნაწარ-
მოები.

ამ საზოგადოებას ყავს 43.000 წევ-
რი.

სალამოს 9 საათზე სპეციალური
მატარებლით დავბრუნდით ქ. გლაზ-
გოვში.

27 აგვისტოს სხდომაზე აირჩიეს
საერთაშორისო კავშირის ცენტრალუ-
რი კომიტეტის წევრები შემდეგი წე-
სით:

- ინგლისიდან 7 წევრი.
- გერმანიიდან 7 „
- ავსტრიიდან 5 „
- შვეიცარიიდან 3 „
- ჰუნგარიიდან 3 „
- საფრანგეთიდან 4 „
- დანიიდან 2 „
- ბელგიიდან 2 „
- ფინლიანდიიდან 2 „
- რუსეთიდან 2 „
- შვეციიდან 2 „
- იტალიიდან 2 „
- პოლანდიიდან 1 „
- ნორვეგიიდან 1 „
- რუმინიიდან 1 „
- სერბიიდან 1 „

ამნაირად კომიტეტში 16 სახელმწი-
ფოს ჰყავს წარმომადგენელი.

არჩევნების შემდეგ ბ-ნმა ვილიამმა
წაიკითხა რეფერატი შემდეგ თემაზე:
**„საკოოპერაციო საზოგადოებათა
ურთიერთ შორის დამოკიდებულება
სხვადასხვა სახელმწიფოში და მათი
საერთაშორისო კავშირი.“** მან გამო-
არკვია რომ საერთაშორისო კავშირში
ჯერ-ჯერობით უმეტესად მხოლოდ
მომხმარებელი ამხანაგობანი შედიან
და სამეურნეო საზოგადოებანი. იმის
და მიუხედავად, რომ ბევრს სახელ-



მწიფობაში იგინი ძლიერნი არიან, ჯერ-ჯერობით კავშირს არ უერთდებიან, რადგან, სამწუხაროდ, ბევრს ქვეყნებში კიდევ ის აზრი მეფობს, თითქოს თვითეულ კოოპერაციის თვითოეულ დარგს თავისი საერთაშორისო კავშირი უნდა ქონდეს. ტეხნიკურის მოსაზრებით, ექვს გარეშეა, ასეთი ორგანიზაცია სასარგებლო იქნება, მაგრამ მას არ ექნება ის მორალური ძალა, რომელიც ასრე საჭიროა საკოოპერაციო იდეალების განსახორციელებლად. ამ საკითხის შესახებ კონგრესმა შემდეგი რეზოლიუცია მიიღო:

„კონგრესი ამოწმებს ჰამბურგის 1910 წლის საერთაშორისო კონგრესის მიერ მიღებულ რეზოლუციას და აცხადებს, რომ საერთაშორისო კავშირი ღია არის ყოველგვარ საკოოპერაციო დარგთა ამხანაგობათათვის. იგი იწვევს ყველა საკოოპერაციო ამხანაგობათ და კავშირთ სხვადასხვა ქვეყნებისას, რათა ისინი შეუერთდნენ საერთაშორისო კავშირს“.

ეს რეზოლუცია ერთ-ხმად იქმნა მიღებული და 1 საათზე სპეციალურად მომზადებულ მატარებლით გავემგზავრენით ქ. პეისლიში, სადაც არსებობს უდიდესი მთელ დედამიწის ზურგზე კოოპერატიული სართავი ქარხანა. ქარხანის შესავალთან დაგვხვდა შოტლანდიელი ორკესტრი, რომლის ინსტრუმენტები ჩვენებურ დუდუკებს წააგვანან. ქარხანაში მუშაობს 2000 ქალი და კაცი. მასში 8 საათის სამუშაო ღირს დაწესებული. დათვლიერების შემდეგ სადილით გაგვიმასპინძლდნენ, რის შემდეგ ისევ გოლანდიაში დავბრუნდით

სალამოს 8 საათზე. აქ ქალაქის თავმა გამგეობის წევრთა და სხვა საპატიო მოქალაქეთა თანადასწრებით ბანკეტი გაგვიმართა, რომელზედაც ბევრი მისალოცი სიტყვები წარმოითქვა.

* * *

28 აგვისტოს მოხდა უკანასკნელი სხდომა, რომელიც შემდეგი საკითხების განხილვას მოუწია: დოქტორმა შერმა წაიკითხა მოხსენება შემდეგ თემაზე: „საკოოპერაციო ჟურნალ-გაზეთები, როგორც განმანათლებელი საშუალებანი“.

„სამუელის კავშირი“ გამოიცა შულცედელიჩის მიერ 1801 წელში. მან გამოიანგარიშა, რომ საშუალო რიცხვით ყველა ქვეყნებში ყველა კოოპერატიულ საზოგადოებათა ორგანოებს 1,420,000 მკითხველი ყავთ. მაშინ როდესაც კოოპერატორთა რიცხვი უდრის 21,756,000.

მთელ დედამიწის ზურგზე მხოლოდ 6,5% კოოპერატორთა არის ხელისმომწერი კოოპერატიულ ორგანოებზე. ყველაზე ნაკლები ხელის-მომწერი რუსეთშია—0,6%. ყველაზე საუკეთესო კოოპერატიულ ჟურნალებად მოხსენების ავტორმა იცნო:

„კოოპერატიული მოამბე“, რომელიც მანჩესტერში გამოდის და „შოტლანდიელი კოოპერატორი“—გლაზგოვში. საერთაშორისო კოოპერატიული მოძრაობის ინტერესებისათვის მან საჭიროდ დაინახა, რომ „საერთაშორისო კავშირის ბიულეტენის“ პროგრამა გაფართოვდეს, ესე იგი მასში ვრცლად უნდა ირკვეოდეს საერთაშორისო საკოოპერაციო ვაჭრობის საკითხები. აგრედევ უნდა გამოდიოდეს სპეციალური ყოველ-კვირეული

ჟურნალი, რომელიც განსაკუთრებულ ცნობებს უნდა აწვდიდეს სხვა ქვეყნების საკოლპერაციო ჟურნალ-გაზეთების რედაქტორებს. ამასთანავე მომხსენებელმა საჭიროდ სცნო, რომ თვითელი ქვეყნის კოლპერატორთა ჟურნალ-გაზეთები შეერთდნენ, რათა ძალები არ იქნენ დაქსაქსულნი.

დასასრულ კონგრესმა შემდეგი რეზოლიუცია მიიღო:

„მე-9 საერთაშორისო საკოლპერაციო კონგრესი წინადადებას აძლევს ყველა საკოლპერაციო კავშირებს კოლპერაციის იდეისა და განათლების გასავრცელებლად გამოსცენ საპროპაგანდო ჟურნალები, რომლებიც შეძლებისადაგვარად წვერებს უფასოდ უნდა დაურიგდნენ. ასეთი ჟურნალები არამც თუ მარტო საკოლპერაციო აზრების გავრცელებას შეუწყობენ ხელს, არამედ იგივენი გააუმჯობესებენ საკოლპერაციო ტექნიკურ მხარესაც. კონგრესი განსაკუთრებით საჭიროდ სთვლის ასეთ ჟურნალებს დიდ საკოლპერაციო ამხანაგობათათვის, რათა მათი დემოკრატიული ხასიათი დაცულ იქნეს. კონგრესი წინადადებას აძლევს საერთაშორისო კავშირის ცენტრალურ კომიტეტს, რათა მან გააღრმავოს „ბიულეტენის“ შინაარსი და გამოსცეს სპეციალური „ბიულეტენი“ საკოლპერაციო კორესპონდენციებისათვის, რომელი „ბიულეტენითაც სხვა-და-სხვა ქვეყნების კოლპერატივებს შეეძლოთ სარგებლობა“.

ეს რეზოლიუცია ერთხმად იქმნა მიღებული კონგრესის მიერ.

შემდეგ, ბ. ბუფოლიმ, იტალიის დელეგატმა, წაიკითხა რეფერატი შემდეგ თემაზე: „**რამოდენიმე მომხმარებელ ამხანაგობათა არსებობა ერთსადა-იმევე და მეზობელ რაიონებში, ამ მოვლენის შედეგი და მათი გასასწორებელი საშუალებანი**“. შინაარსი ამ რეფერატისა მოკლედ შემდეგი იყო:

„შვეიცარია—სამაგალითო ქვეყანაა მომხმარებელ ამხანაგობათათვის, რადგან იქ ყოველ ამხანაგობას თავისი სამოქმედო რაიონი აქვს და მათ შორის მეტოქეობა შეუძლებელია. დანიაში, შვეციაში და ჰუნგრეთში ეს მეტოქეობა ძლიერ მცირე მნიშვნელოვანია, ხოლო რაიცა შეეხება ინგლისს, ამ მომხმარებელ ამხანაგობათა მშობელ ქვეყანას, აქ დიდი მეტოქეობა არსებობს. ესეთივე მდგომარეობა გერმანიაში, ბელგიაში და ავსტრიაში. რუსეთში მომხმარებელი ამხანაგობანი ჯერ კიდევ განცალკავებული მუშაობენ. ჰოლანდიაში არსებობს მომხმარებელ ამხანაგობათა სამი კავშირი: ნეიტრალური, სოციალისტური და კათოლიკეთა. ესეთივე მდგომარეობაა იტალიაში. რაიცა შეეხება საფრანგეთს, იქ დიდი მეტოქეობა სწარმოებს შემდეგ ქალაქებში: პარიზში, ლორიანში, რუბეში, კრეოზოში და ლიონში. შედეგი ამ მეტოქეობისა ამ ქვეყნებში შემდეგია: ძალთა დაქსაქსვა, შენობებზე ზედ-მეტი ფულის ხარჯვა და სავაჭრო მეტოქეობა, რაიც კოლპერაციის იდეის დაშლას იწვევს“.

მიიღო-რა კონგრესმა მხედველობა-

06539
F-539

საქ. სსრ კ. მარქსის
სახ. საბ. რესპუბ.
ბიბლიოთეკა

ში ზემოხსენებული მოხსენება, შემდეგი რეზოლიუცია გამოიტანა:

„მომხმარებელ ამხანაგობათა შორის მეტოქეობა ასუსტებს საკოოპერაციო მოძრაობას ეკონომიურად და სოციალურად. ამისათვის საერთაშორისო კონგრესი წინადადებას აძლევს კოოპერატიულ კავშირებს, რათა მათ შემდეგი ზომები მიიღონ:

1. ხელი შეუშალოს ორ მომხმარებელ საზოგადოებათა დაარსებას ერთსა და იმავე ადგილში;
2. შეაერთოს ერთსა და იმავე ადგილში უკვე არსებული მომხმარებელი ამხანაგობანი;
3. ნება არ მისცეს მეზობელ ადგილებში არსებულ კოოპერატიულ ამხანაგობათ, რომ მათ ერთმანეთს მეტოქეობა გაუწიონ.

შვეიცარიის საკოოპერაციო კავშირის მიპატიჟების თანახმად **შემდეგი კონგრესი, 1916 წ. ქ. ბაზელში (შვეიცარიაში) დაინიშნა.**

დასასრულ, გამოსათხოვარი სიტყვით მოგვმართა კონგრესის თავჯდომარემ

ბ. ვილიამსმა და წინადადება მოგვცა, რომ ხელი-ხელ ჩაკიდებულ გვემღერა შოტლანდიური ნაციონალური ჰიმნი.

ამით დასრულდა მე-9-რე საერთაშორისო საკოოპერაციო კონგრესი.

ნაშუადღევს შოტლანდიის საკოოპერაციო კავშირის გემით გავემგზავრებით გლაზგოვის ნავთსადგურის დასათვლიერებლად. უნდა მოვიხსენიოთ, რომ გლაზგოვში შენდება უდიდესი გემები.

ამით ვათავებთ ჩვენს მოკლე ანგარიშს, ვინაიდან დაწვრილებით კონგრესის ნამუშევარის გარჩევა სპეციალურ შრომას მოითხოვს.

ვუსურვებ ჩვენს პატარა სამშობლოს, რომ შემდეგ კონგრესზე სრულიად საქართველოს საკოოპერაციო კავშირით წარდგომოდეს. ასეთი კავშირი აუცილებელი საჭიროებაა ჩვენი ქვეყნისათვის, რადგან კოოპერაცია უძლიერესი იარაღია ჩვენი ქვეყნის ეკონომიური გამაგრებისათვის.

ქარ. სამ. საზ. დელეგატი
დავით ლამბაშიძე.

პარკის რქე

პარის რძის მიმცემი სამი დიდი მერქვეთა ამხანაგობაა: **Société Laitier Maggi, Société Laitière des Fermiers Réunis** და **Société Laitière Crémiers Réunis.**

ამ საზოგადოებათა მოქმედება აგებულია შემდეგ გეგმაზე: თითოეულს მათგანს აქვს სოფლად ერთი **უმთავრესი დეპო**, რომელიც აგროვებს რძეს რაიონში 60—70 ვერსის მანძილზე. ეს რძე რაიონში გროვდება ჯერ პატარ-პატარა დეპოებში, ეგრედ წოდებულ დებორდაჟებში და მერე აქედან

იგზავნება უმთავრეს დეპოში. უმთავრეს დეპოდან რძეს, კარაქს, ერბოს გზავნიან პარკის დეპოში გასასაღებლად. თუ პარკის დეპოს დარჩა რძე გასაყიდი, დეპო აქვე დამუშავებს მას კარაქად. თუ კარაქი დარჩა გაუყიდავი, გზავნის მას უმთავრეს დეპოში ერბოთ დასამუშავებლად. რაც გადარჩება რძის დამუშავებას, მას ცენტრალური დეპო ხმარობს ღორების საკვებად, რომელიც აქვე რძე-ხანასთან ინახებიან. წვრი-



ლი დებოები, დებორაფები, დაქსა-
ქსულნი არიან რაიონში პარზის ვარ-
შემო თითქმის 200 ვერსის მანძილზე.
ეს წვრილი დებოები ზაფხულობით
თვით უკეთებენ რძეს პასტერიზაციას,
ზამთრობით კი მათ მოვალეობას შეა-
დგენს მოაგროვონ რძე მეურნეთაგან
და გზავნონ ცენტრალურს დებოში.

მეურნეთაგან რძეს აგროვებს თვით
დებო და არა მეურნეს მოაქვს დებო-
ში. დებოს ამისათვის აქვს გამართული
ეტლი, ჰყავს ცხენები და რძის მიმღები
მეეტლე, რომელიც დილის 4 საათი-
დან შეუდგება ხოლმე თავის რაიონში
რძის მოგროვებას. რძეს მიიწყავს მეეტ-
ლე საწყაოთი და ჩაახხავს საერთო
ქურჭელში, ბიდონში, რომელიც ეტ-
ლზე დგას.

რძის რაოდენობას მიმღები ნიშნავს
წინგშიაც და თავის დავთარშიაც. დავ-
თარში ჩაწერილი რძის რაოდენობის
შემოწმება ხდება ამ პატარა წიგნების
გაშინჯვით, რომელიც მერძევეთა აქვთ
სახლში.

რძეების მოგროვება ხდება დღეში
ორჯელ—დილით 4 საათიდან და სა-
ღამოთი ნაშუადღევს 3 საათიდან. დი-
ლით მოწველილ რძის არევა საღამოთ
მოწველილში სასტიკად არის აკრძა-
ლული, უფრო იმიტომ რომ რძე არ
დამჟავდეს. დილისა და საღამოს რძე-
ში ცხიმის რაოდენობა სხვადასხვაა. სა-
ღამოთი მოწველილ რძეს სამი გრამით
მეტი ცხიმი აქვს ხოლმე თითო ლიტრა-
ზე, ვიდრე დილით მოწველილ რძეს.

რომ არც წყლის დასხმა შეეძლოთ
რძის პატრონებს და არც ნაღების მოხ-
და, დრო გამოშვებით მეეტლესთან
ერთად დაიარება კონტროლიც, რო-
მელიც იღებს თავის თვალ-წინ ჩამო-
წველილს რძეს, მოაქვს და ადარებს

ამავე პატრონისაგან წამოღებულ რძეს.
რძის ნიმუშების მიღებაში საექვეო პი-
რებისაგან კონტროლი მოწმევებს დაის-
წრობს ხოლმე.

თუ რამე თაღლითობა აღმოჩნდა,
დამნაშავეს უჩივიან სასამართლოში და
კანონი აჯარიმებს. განმეორებულ ხელ-
მრუდობისათვის სუდი ციხეს გადაუ-
წყვეტავს ხოლმე დამნაშავეს.

შეკრეფილ რძეს მეეტლე მიიტანს
დებოში და ჩააბარებს წყვით. მოკრე-
ფილ რძის რაოდენობას დებო 2—3
ლიტრით ნაკლებს ანგარიშობს იმაზე
რაც დავთარში უწერია მეეტლეს, რა-
დგან, ვიდრე დებოში მოვა, რძეს ცო-
ტა აკლდება ბიდონში ჩასხმის დროს
აქაფებულ რძის დამშვიდებით და სხვა
მიზეზებით. ეტლი რომ მოვა დებოში,
ყველა ბიდონებს ახდიან პირს და რძის
გამშინჯავი შინჯავს რძეს გემოთი. რო-
მელიც მომჟაობს ცალკე სდგავს და სე-
პარა ტორში გაჰყავთ ნაღების მოსახდე-
ლად. დანარჩენ რძეს კი გასწურავენ სა-
ცერში, გაუკეთებენ პასტერიზაციას,
ესე იგი გააცხელებენ 75⁰-მდე ცელსიის
ტერმომეტრით, და შემდეგ საჩქაროდ
გაციებენ 8—13⁰-მდე.

რძის პასტერიზაციას ორნაირი აზრი
აქვს. ჯერ ერთი ის რომ გაციხელებით
მეტი წილი ბაქტერიები იხოცებიან
რძეში და, მაშასადამე, შიში აღარ უნდა
ჰქონდეს რძის დამღევს, რომ რამე გა-
დამღები ავადმყოფობა შეეყრება მას,
და მეორეც ის, რომ ასეთი რძე მალე
არ დამჟავდება. რძის საჩქაროდ გაციე-
ბასაც ისევ ის აზრი აქვს. საჩქაროდ
გაციებულ რძეში ბაქტერიების გამრავ-
ლება ფერხდება და რძე მეტ ხანს სძლებს
დაუმჟავებელი.

საუკეთესო პასტერიზატორად რძი-
სათვის ითვლება დანიური, რომელიც

აცხელებს რძეს წყლის ორთქლით და თან ურევს კიდევაც რძეს, რომ ჭურჭლის კედლებზე არ მიიწვას და ერთნაირად გაცხელდეს. რძის გასაციებლად ხმარობენ საფრანგეთში ლაურენსის საციებელს.

რძის შენახვა-გასაღებაში ყველაზედ მეტი მნიშვნელობა ჭურჭლის სისუფთავეს აქვს.

რძის ჭურჭელს რეცხავენ სოდის წყლით ან ნაცარტუტით. სოდით გარეცხილს ჭურჭელს წამოაპირქვავენ და შეუშვებენ შიგ ცხელს ორთქლს, რომ რაც ჭურჭელში ბაქტერიები ჩარჩინენ დაიხოცნენ და თუ რამ კახეინი დარჩა ჭურჭლის კედლებზედ ისიც მოშორდეს შეკოლტებული. შემდეგ ამისა გამოავლებენ ცივ წყალს და დააწყობენ ჭურჭლებს ერთიერთმანეთზე დაწვენიით რომ ჰაერმა გაუაროს და გამოაშროს.

გასუფთავებულს ბილონებში ჩაასხამენ რძეს და გზავნიან პარიზში ბექედ ქვეშ—პირველ ხარისხის რძეს წითელი ბექდით დაბეჭდილს და საღა-

მოთი მოწველილს, როგორც მეორე ხარისხისას, შავი ბექდით. იმ რძეს, რაც პარიზში გასაგზავნად დაწუნებული იქნება, ჩასდგამენ ჭურჭლებით ცივ წყალში და მეორე დღეს გაჰყავთ სეპარატორში. გასაგზავნად დაწუნებული კარაქიდან ამზადებენ ერბოს. თუ რძე ძაან არის დამყავებული და სეპარატორში არ გაიყვანება, კოვზით მოხდიან მოგდებულს ზემოდამ ნაღებს და კანდიტრებში ჰყიდიან. ეს კოვზით მოხდილი ნაღები უფრო თხელია და კანდიტრები მას უფრო რჩეობენ, რადგან ადვილად ითქვიფება და მეტიც გამოდის ათქვეფილი, ვიდრე სეპარატორით მიღებული სქელი ნაღები. ამიტომ კანდიტრები ამ თხელ ნაღებში იმდენსავე ფასს აძლევენ, რამდენშიაც სეპარატორით მიღებული სქელი ნაღები იყიდება.

ნაღებმოხდილი რძიდან ცენტრალური ქარხანა ამზადებს კახეინს სხვა და სხვა ღირსებისას—ზოგს საკმელად და ზოგს სხვარიგად სახმარებლად.

ვ. რუსიშვილი

საყოფაღმავლო ცნობანი

ახალი უმაღლესი სამეურნეო სასწავლებლები. — მიწათ-მოქმედების მთავარ სამართველოს განუზრახავს გახსნას რამდენიმე ახალი უმაღლესი სამეურნეო სასწავლებელი. სხვათა შორის განზრახულია საკითხი ეკატერინოსლავში სამეურნეო ინსტიტუტის დაარსების შესახებ წამოაყენონ როგორც კი დამტკიცდება ანდერძი ს. ნ. კოლაჩაევსკისა, რომელსაც უმეტესი ნაწილი თავის ქონებისა უმაღლეს სამეურნეო სასწავლებლის დაარსებისათვის გადუღვია ვერხნენდებროვსკის მარაში.

კანონ-პროექტი ამ სამეურნეო სასწავლებლის დაარსების შესახებ უკვე მზად არის და ახლო მომავალში შეტანილი იქნება უმაღლეს საკანონმდებლო დაწესებულებებში განსახილველად.

განზრახულია აგრედვე პოლიტეხნიკური ინსტიტუტის დაარსება ქალაქ სამარაში აგრონომიული და კომერციული განყოფილებებით. გეგმის შედგენა იკისრა სავაქრო-სამრეწველო სამინისტრომ მიწათმოქმედების მთავარ სამართველოსთან შეთანხმებით.

მიწათმოქმედების მთავარ სამართველოს ყაზანისა და ნოვოროსიის უნივერსიტეტებში და ხარკოვის ტექნოლოგიურ ინსტიტუტში აგრონომიულ განყოფილებების დაარსების შესახებ წარუდგენია განცხადება საგანათლებლო და სავაჭრო-სამრეწველო სამინისტროებში, რომლითაც სთხოვს ამ დაწესებულებებს დააჩქარონ ხსენებულ განყოფილებების გახსნა.

იგივე მიწათმოქმედების სამართველოს განუზრახავს ახლო მომავალში წამოაყენოს საკითხი უმაღლეს სამეურნეო სასწავლებლის დაარსების შესახებ ჩრდილო-დასავლეთ რუსეთში.

საგანგებო თათბირს, რომელიც გამართა მიწათმოქმედების სამართველომ, საქიროდ სცნო დაარსება უმაღლეს სასწავლებლისა სამეურნეო, საგიდრო-ტექნიო და სამთო განყოფილებებით ქალაქ ტაშკენტში და უმაღლესი გიდრო-ტექნიკური ინსტიტუტისა პეტერბურგში გიდრო-ტექნიკური სამუშაოების უფროს ხელმძღვანელთა მოსამზადებლად. დაწვრილებითი გეგმის შემუშავებას ამ გარდაწყვეტილებათა განსახორციელებლად მიწათმოქმედების სამართველო დღე-დღეზე შუედგება.

ბესარაბიის აგრონომიული ინსტიტუტი. — ბესარაბიის საგუბერნიო ერობამ გადასწყვიტა დაარსოს ბესარაბიაში აგრონომიული ინსტიტუტი ხელმწიფე იმპერატორი ალექსანდრე პირველის სახელით. განზრახულია ამ უმაღლეს სამეურნეო სასწავლებელს ადგილობრივი სპეციალური კულტურების შესწავლა დაუსახონ მიზნად. დასაარსებლად მიღებულია 800 ათასი მანეთის ვალეზა მონასტრების მამულების შე-

მოსავლიდან 8 წლის განმავლობაში. ინსტიტუტის საქმეების მართვა-გამგეობაში მიიღებენ მონაწილეობას თავდაზნაურობის და ადგილობრივ საზოგადო დაწესებულებათა წარმომადგენელი, სახელდობრ: საგუბერნიო მარშალი, საგუბერნიო ერობის თავმჯდომარე, ქალაქ კიშინევის ქალაქის თავი, ორი წარმომადგენელი საგუბერნიო ერობისა, ერთი თავდაზნაურობისა და ერთი წარმომადგენელიც კიშინევის თვითმართველობისა.

საოჯახო საქმეების სასწავლო ევლი ქალთათვის. — ვიატკის ერობამ გახსნა ამას წინად დაბალი სასწავლებელი ქალებისათვის საოჯახო საქმეების შესასწავლებლად.

ეს სკოლა გაიხსნა ელაბულის მზრახში და, როგორც მის წესდებიდან სჩანს, აზრად აქვს მოამზადოს დახელოვნებული სამეურნეო საოჯახო საქმეში მუშაკნი — უფრო კი მესაქონლეობაში და მერძეობაში, მებაღეობაში და მებოსტნეობაში. სკოლა ექვემდებარება მიწათ-მოქმედების მთავარ სამართველოს, რომელიც აძლევს დახმარებას 7480 მან. წელიწადში. თვით ერობა კი იხდის ამ სკოლის სასარგებლოდ 4100 მან. წელიწადში.

ამ სკოლაში შესასვლელად მოეთხოვებათ ქალებს: მოსამზადებელ კლასში — პირველ დაწყებით სკოლის გათავება, ხოლო პირველ კლასში შესასვლელად — ორკლასიანი სასოფლო სკოლის კურსის დამთავრება.

სწავლა გაგრძელდება სამი წელიწადი. ასწავლიან: 1) საღმთო რჯულს, 2) რუსულ ენას, 3) არითმეტიკას, 4) გეოგრაფიას, 5) ისტორიას, 6) ბუნებითი მეცნიერებას (ფიზიკა, ქიმია,



ზოოლოგია, ბოტანიკა), 7) მიწის წესიერად დამუშავებას და მინდვრის მოსავლას მოვლა-მოყვანას, უფრო კი ვრცლად მეზღვეობას და მეზოსტნეობას, 8) მესაქონლეობას და მერძე-მეყველეობას და საქონლის წამლობას, 9) გლეხთა ყოფა-ცხოვრების შესახებ უმთავრეს კანონმდებლობას და 10) ჰიგიენას და ზავშვის მოვლას.

გარდა ამისა მთელი კურსის განმავლობაში სწარმოებს პრაქტიკული ვარჯიშობა მეურნეობის სხვადასხვა დარგში და საოჯახო საქმეებში. სანოვავის შესახებ ყოველი საჭირო ცოდნის შესაძენად, მზვარეულობის შესასწავლად, კრა-კერვაში გასაფარჯიშებლად მეცადინეობენ პრაქტიკულადაც და თეორიულადაც მთელი კურსის განმავლობაში. კურს-დამთავრებულებს ექლევათ ატესტატები, სადაც აღნიშნულია ის დარგი, რომელიც სპეციალურად აქვს შესწავლილი ატესტატის მიმღებს.

საკუთარი ხარჯით მოსწავლეებს ახდევინებენ წელიწადში 60 მან, ვინც გარედან დაიარება, და 100 მან.,—ვინც ინტერნატში (ჰანსიონში) შევა.

აგრონომიული მატარებელი.—კავკავის რკინის გზამ 1913 წელს ღვინობისთვის გამართა აგრონომიული მატარებელი შემდგარი 8 ვაგონისაგან. შვიდ მათგანში გამოფენაა გამართული მეურნეობის ყველა დარგიდან და მერვე ვაგონი კი წარმოადგენს მუზეუმს და ლექტორების საცხოვრებელ ბინას. სამი ვაგონი ზემოხსენებულ შვიდიდგან უჭირავს ფრინველებს და მათ მოვლა-გაშენებისათვის საჭირო მოწყობილობას, ერთი ვაგონი დათმობილი აქვს სამეურნეო მანქანა-იარაღებს, ორი ვაგონი მეზღვეობას და ერთიც მერძე-მეყველეობაში სახმარ მანქანა-იარაღებს.

ეს მატარებელი დგება დილიდან საღამომდე წინაღვე დანიშნულ რკინის გზის სადგურებზე. ამ სადგურთან ბდებარე სოფელს შეეტყობინება ხოლომე წინაღვე აგრონომიული მატარებლის მოსვლა და დილიდან ნაშუაღღვეის სამს საათამდე ხალხს იწვევენ ვაგონში გამოფენის დასათვაღღიერებლად, ხოლო სამი საათიდან კი სოფლის რომელიმე დარბაზში დეპარტამენტის სპეციალისტთაგან მოწვეული ლექტორები კითხულობენ ლექციებს მეურნეობის სხვადასხვა დარგიდან.

ინგლისიდან გამოწერილი საქონლის გუღღები და ჰეღღიღები.—მღღგომარე 1913 წლის ზაფხულში მიწათმომქმედების დეპარტამენტმა გამოიწერა ინგლისიდან კვღღავანდებურად 4 საქონლის ბულა შირტგორნის ჯიღღისა მერძევე საქონლის ჯიღღის გასაუმჯობღღესებლად რუსეთში, 6 იორკშიხის და ბერკშირის ჯიღღის ჰეღღიღები და 66 ყოღღი რომნიღღარში, ოქსფორდშირღღაუნღღი და ლინკოღღნი. დეპარტამენტს ამ საქონლის გამოწერა დაუჯღღდა დაახლოებით 20.000 მანეთი. გამოწერიღღი საქონელი დეპარტამენტმა დაუღღიღა სახელმწიფო, საერებო და ზოღღგიერთ კერძო დასაგრიღღებელ სადღღურებს სახმარებლად.

„კოოპერატიული“ სოფელი.—სოფელი ლისკოვო, მინსკის გუბერნიღღაში, საიღღეღათო მაღალითს წარმოადღღენს, მთელს რუსეთში. ამ სოფლის მცხოვრებღღები დღღსს უკვე სარგებღღობენ იმ შეღღავათიანი ცხოვრებით, რომელიც შეიღღღება მიენიქოს სოფელს კოოპერატივების დაარსებით. რომელი ამხანაღღობა ანუ კოოპერატივი გნებავთ რომ არ იყოს დაარსებული ამ საიღღეღათო სოფელში: მომხმარებელი საზოგადოება, სამეურნეო საზოგადოება, ქაღღთა წრე, ერბო-კარაქის კოოპერატივი, სახაღღხო სახღღი, საფეიქრო ამხანაღღობა, ზავშვისათვის სათამაშოების მოსამაზღღებელი საღღეღ-

ლოსნო, ცეცხლის გამქრობთა საზოგადოება, შემნახველ-გამსესხებელი ამხანაგობა, უპატრონო ბავშვთა თავშესაფარი, წიგნთსაცავი, სამკითხველო, სამარხო კასა, უძღურთა თავშესაფარი, საზოგადოება „ბუდე“, რომელიც მზრუნველობას უწევს მცირე-წლოვან ბავშვებს, თეატრი და ხორო.

ამას გარდა ამ სოფელში არის საზოგადო საბანაო, სასარეცხო და ბუღების საცხოზი. თითქმის ყველა ეს კოოპერატივები დაარსდნენ ამ უკანასკნელ ათის წლის განმავლობაში. მიუხედავად მათი სიმრავლისა ყველა ეს კოოპერატივები მუშაობენ მოგებით: მომხმარებელმა საზოგადოებამ თავისი უკანასკნელი საანგარიშო წელიწადი გაათავა 10.000 მანეთის მოგებით; სამეურნეო საზოგადოებამ იყიდა თავის ხარჯით 20 ვაგონი ხელოვნური სასუქი, შემნახველ-გამსესხებელმა საზოგადოებამ დაურიგა თავის წევრობს 1000 მან. წმინდა მოგება; საფეიქროს წლიური ბიუჯეტი უდრიდა ბოლო წელს 23 000 მანეთს და სხ. ესეთივე წარმატებით მუშაობენ ყველა განმანათლებელი ამხანაგობანი. იმ მცირე ხნის განმავლობაში, რაც ეს განმანათლებელი ამხანაგობანი მოქმედობენ, წერა-კითხვის უკოდინართა პროცენტმა 20-დან დაიწია 80/0-მდე. სახალხო სახლი, სადაც ყველა ეს სასოფლო საქმეები სრულდება წარმოადგენს დიდ უზარმაზარ შენობას, მაღალი, ფართე, სინათლით სავსე ოთახებით.

სამელიორაციო სმსხი. — მიწათ-მოქმედების დეპარტამენტმა სამელიორაციო თანხიდან მისცა ბრიანსკის ერობას 50.000 მან. მეურნეთა დასახმარებლად. დახმარება მიეცემათ სესხობრივ, როგორც ცალკე პირებს ისე მთელს სამეურნეო საზოგადოებას ერობაში. სესხი მიეცემა სხვათა შორის საქონლისათვის თავლების გასაკეთებლად, საკუთარი მეურნეობით მიღებული ნაწარმოების დასამუშავებლად,

საქირო შენობების ასაგებად, მაგალითად: ყველ-ერბოს და სხვა საწოვაგეთა დასაპუშავებელ ქარხნების, სარდაფების და სხ. გასაკეთებლად და აგრედვე კარგი ჯიშის საქონლის ბუღების შესაძენად. თუ ჯიშინი საქონლის სასყიდლად გააქვთ სესხი, სესხის გამტანმა უნდა საქონლის გამყიდველს ქალღლი ჩამოართვას, რომელშიაც უნდა ჩააწერინოს: რა გვარი საქონელია, საფურეა თუ ბულაა, წლოვანობა, ჯიში და ჩამომავლობა. სამელიორაციო სესხით ნასყიდი ჯიშინი საქონელი მყიდველმა უნდა შეინახოს და არ გაყიდოს, ვიდრე აღებულს ვალს გადასწყვეტავს. წინააღმდეგ შემთხვევაში, ე. ი. თუ ჯიშინი საქონელი არ შეინახა და გაყიდა, მთელი ვალი სამელიორაციო თანხიდან აღებული ერთბაშად მოეთხოვება ვინიცობაა ნასყიდი ჯიშინი საქონელი მოკვდა რაიმე მიზეზით, პატრონმა უნდა მოიწვიოს პოლოცია და შეამოწმებინოს რა მიზეზით მოკვდა საქონელი და ოქმი იგი წარუდგინოს ერობის გამგეობას. თუ საქონლის დამზღვევი საზოგადოება არსებობს ადგილობრივ, უნდა ნასყიდი სამელიორაციო თანხით ჯიშინი საქონელი დაზღვეულ იქმნეს ამ საზოგადოებაში იმ უდიდეს ფასში, რამდენშიაც კი, თანახმად საზოგადოების წესდებისა, შეიძლება დაზღვევდეს ესეთი საქონელი. სამელიორაციო სესხის გამტანი თვსთ უნდა იყოს მესაქონლე, ჰყვანდეს უკვე საქონელი და ჰსურდეს ამ საქონლის გაუმჯობესობა. სამელიორაციო თანხიდან სოფლის საზოგადოებასაც და კერძო პირსაც შეიძლება მიეცეს სესხად არა უმეტეს სამი მეოთხედის იმ ფასისა, რაც ჯიშინი საქონლის შეძენა დაჯდება. ამასთანავე სესხი კერძო პირზედ გაცემული არ უნდა აღემატებოდეს ყოველ შემთხვევაში 1500 მანეთს ბუღების შესაძენად და 5000 მანეთს სხვა და სხვა სასოფლო-სამეურნეო დარგის გასაუმჯობესებლად. უდიდესი ვადა უნდა იყოს:

7 20/12

სამეურნეო დარგთა გასაუმჯობესებლად გატანილ სესხისთვის 10 წელიწადი და საქონლის ბუღების შესაძენად 5 წელიწადი. სამელიორაციო სესხი გაიცემა 4 პროცენტობაზე.

პრიურალის მერძევეთა ამხანაგობის თხოვნით მიწათმოქმედების დეპარტამენტმა მიიღო გარდაწყვეტილება: სამელიორაციო სესხი აძლიოს მერძევეთა ამხანაგობასაც ყველის ქარხნების ასაშენებლად და მათი მოწყობილობის შესაძენად. ესეთი სესხი მიეცემათ მერძევეთა ამხანაგობებს ჯერ ორენბურგის და პერმის გუბერნიებში 7 წლის ვადით, 4 პროცენტობაზედ წელიწადში, რაოდენობით არა უმეტეს სამი მეოთხედი იმ ხარჯთ-აღრიცხვისა, რომელიც იქნება ამ საქმისათვის შედგენილი. სესხის უზრუნველ-საყოფად შენობაც და მოწყობილობაც დაგირავდება სესხში და გარდა ამისა ჩამოერთმევათ ამხანაგობის წევრებს საურთიერთო პასუხისმგებლობა. ამხანაგობამ, რომელსაც სურს ასეთი სესხის გატანა, უნდა წარუდგინოს დეპარტამენტს: გეგმა და ხარჯთ-აღრიცხვა ქარხნისა და მის მოწყობილობის, რომელიც უნდა შესრულდეს ნასიხები ფულით; ამხანაგობის პირობა-შეკრულობა ანუ მისი კაპიო შემოწმებული; ცნობები იმის შესახებ, თუ რა შეძლება აქვს თითოეულ ამხანაგობის წევრს; იმ ადგილის, რომელზედაც აპირებენ ქარხნის გაკეთებას, ნასიდობის ქალაქი ან და საიჯარო პირობა-შეკრულობა მემამულესთან, თუ ეს ადგილი ამხანაგობას იჯარით აქვს აღებული. საიჯარო ვადა ყოველ შემთხვევაში მეტი უნდა იყოს ორის წლით მაინც იმ ვადაზედ, რომლითაც სურთ სამელიორაციო სესხის გატანა.

ადგილობრივი ჯიჟის საქონლის მნიშვნელობა.— ლატიშთა ეკონომიური საზოგადოება ზედამხედველობას უწევს კურდიანდის გუბერნიაში 140 სკანტრადო კავშირს. ყველა ეს კავშირები მოღვაწეობენ საეკონომიკურ ხარჯთა და ძალ-

დონით. ყველანი მომხრენი არიან ადგილობრივი ჯიჟის საქონლის გამწვანებისა და მხლოდ კურდიანდედ ქრახებს უწევს კანტრადოს. ანგელენის, ჭოლანდის და სხ. ჯიჟების ძრახებს კურდიანდედები სრულებით უარს ჭეოფენ ადგილობრივს შირობებში, რადგან ამტკიცებენ რომ ეს სხვაგნებური საქონელი იმდენად სხეირო არ არის, რამდენადაც ადგილობრივი ჯიჟისანი ადგილობრივ შირობებში.

ფრამშინის გამოკვლევით ანგელენის ჯიჟის საქონლიდან ჭეურქით ავად ხდება კურდიანდაში 80—95⁰/₀; ადგილობრივი კი მარტო 1—2⁰/₀. ამ გამოკვლევის წაკითხვის შემდეგ კურდიანდედ მესაქონლეებმა ერთხმად დაადგინეს იშუამდგომლენ მთავრობის წინაშე, რათა აკრძალულ იქმნეს კანონით ანგელენის ჯიჟის საქონლის შემოყვანა და გამრავლება კურდიანდის გუბერნიაში.

სანოვაგეთა ლაბორატორია.— ციბიბირის ქალაქებში: კაინსკში, სემინასკა-ტინსკში, კურგანში, ბანაუში და ომსკში არსებული ღმრისა და სხვა სანოვაგის ლაბორატორიებს მდგომარე 1913 წლიდან მიწათმოქმედების დეპარტამენტმა სამ-სამი ათასი მანეთის მაგიერად 10120 მანეთი დახმარება აღუთქვა წლიურად თითო ლაბორატორიას. ქალაქ ტომსკში არსებული სარქო ლაბორატორიას კიდე 18110 მანეთი წლიურად, მაგიერ 6600 მანეთისა, რომელიც აქამდე ეძლეოდა ამ ლაბორატორიას დეპარტამენტადან.

ურაგო არ იქნება რომ ქართულმა სამეურნეო საზოგადოებამ ისარგებლდეს დამსხურებულ პროფესორის პ. გ. მელიქი-შვილის ტოფაისში ჩამოხუდილი და მისი ხელმძღვანელობით როგორც ისეთი შიროს, რომლის კომპეტენცია ცნობილია მთელს ევროპაში, დაასოს სხვადასხვა ქიმიურ გამოკვლევათა მოსახდენად ერთი ნატარა ლაბორატორია მაინც, მთ უმეტეს რომ ასეთი ლაბორატორია მიწათმოქმედების დეპარტამენტადან მიიღებდა დახმარებას მთელი იმ ხარჯის გასწევად, რაც ყოველწლიურად დასჭირდებოდა.

რედაქ.-გამომცემელი ვ. ი. რცხილაძე